



Broj: 08-06/2-14-2-1409-7/16

Dana: 13.04.2016.godine

Na osnovu člana 64. stav (1) tačka b), člana 25., člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavku iz Zapisnika o ocjeni ponuda broj: 08-06/2-14-2-1409-4/16 od 13.04.2016. godine, u postupku javne nabavke - LOT 2: "Sukcesivna nabavka goriva za potrebe PU Žepče", ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača - "ENERGOPETROL" d.d. Sarajevo, za LOT 2: "Sukcesivna nabavka goriva za potrebe PU Žepče"

I

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-1409-4/16 od 13.04.2016.godine, i ugovor za LOT 2: "Sukcesivna nabavka goriva za potrebe PU Žepče" dodjeljuje se ponuđaču "ENERGOPETROL" d.d. Sarajevo, sa ponudom broj: 08-06/2-14-2-1774/16-BS od 08.04.2016.godine, za ponuđenu cijenu u iznosu od 38.994,88 KM bez PDV-a.

II

Odabrani ponuđač dužan je u roku od **5** (pet) dana od dana zaprimanja ove Odluke o izboru, **na Protokol ugovornog organa dostaviti** originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
 - b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
 - c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
 - d) potvrde nadležne/ih institucija o uredno izmirenim obavezama po osnovu direktnih i indirektnih poreza
- **aktivan dokaz** o registraciji u profesionalnom ili trgovačkom registru u zemlji u kojoj je osnovana firma ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost

- **2 (dvije) obične kopije** dostavljene dokumentacije – kopije ponude mogu ali ne moraju imati čvrsti uvez.

III

Dokumentacija navedena u stavu II ove Odluke mora biti dostavljena na način da u svemu bude pripremljena kako je traženo predmetnom tenderskom dokumentacijom u ovom postupku nabavke (odredbe koje se tiču **čvrstog uvezivanja, numerisanja** svake stranice dostavljene dokumentacije koje podrazumijeva i numerisanje stranica sa ovjerom..).

IV

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

V

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-1409/16 od 17.03.2016.godine.

Javna nabavka provedena je putem otvorenog postupka.

Javna nabavka okončaće se zaključivanjem okvirnog sporazuma sa jednim dobavljačem u trajanju od 2 godine od dana potpisivanja.

Procijenjena vrijednost nabavke je: 60.200,00 KM bez PDV-a (70.434,00 KM sa PDV-om)

Obavještenje o nabavci broj: 488-1-1-10-3-10/16, poslano je na objavu dana 18.03.2016.g. u 15,40 sati.

Komisija za javnu nabavku imenovana je odlukom broj: 08-06/2-14-2-1409-2/16 od 22.03.2016. godine.

Komisija za javnu nabavku sačinila je Zapisnik sa otvaranja ponuda broj: 08-06/2-14-2-1409-3/16 od 08.04.2016.godine i Zapisnik o ocjeni ponuda broj: 08-06/2-14-2-1409-4/16 od 13.04.2016.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači: "ENERGOPETROL" d.d. Sarajevo; "PETROL BH OIL COMPANY" d.o.o. Sarajevo i "ZOVKO AUTO" d.o.o Žepče.
- da ponuda ponuđača "ENERGOPETROL" d.d. Sarajevo ispunjava zahtjeve ugovornog organa u formalno-pravnom, ekonomskom i tehničkom smislu, tj. da je prihvatljiva za ugovorni organ.
- da ponude ponuđača ZOVKO AUTO d.o.o Žepče i PETROL BH OIL COMPANY d.o.o Sarajevo nisu kvalifikovane iz sljedećih razloga:

Ponuda ponuđača ZOVKO AUTO D.O.O. ŽEPČE nije prihvatljiva obzirom da ponuđač nije dostavio aneks V, a koji se odnosi na dostavljanje izjave o namjeri podugovaranja, što je bio obavezan u skladu sa tačkom 14. e) i tačkom 33. tenderske dokumentacije.

Ponuda ponuđača PETROL BH OIL COMPANY D.O.O. SARAJEVO nije prihvatljiva obzirom da sadrži nedostatke vezane za aneks II tenderske dokumentacije, tj. obrazac za cijenu ponude. Naime, u dostavljenom OPC obrascu za diesel bas en 590, ovjerenom kod Federalnog ministarstva trgovine dana 07.03.2016. godine, MPC je 1,65 KM po jednom litru i primjenjuje se od 10.03.2016. godine a na dostavljenoj kopiji fiskalnog računa od 18.03.2016. godine i dostavljenom obrascu za cijenu ponude prikazana je cijena od 1,60 KM po jednom litru. Shodno tome, ponuđač nije dao cijenu u skladu sa aneksom II koji je sastavni dio tenderske dokumentacije.

Slijedom navedenog utvrđen je redoslijed ponuđača, kako slijedi:

Naziv ponuđača	Rang
"ENERGOPETROL" d.d. Sarajevo	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Slijedom navedenog, ponuđač "ENERGOPETROL" d.d. Sarajevo je odabran na osnovu ponuđene cijene u iznosu od 38.994,88 KM bez PDV-a .

PРАВNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđač, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

MINISTAR

Nikola Arsenić